

# Qummoroortatinik toqqortaqtarneq pillugu Namminersornerullutik Oqartussat nalunaarutaat

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoonissamillu pitsaaliuinermi iliuusissat pillugit Inatsisartut Inatsisaat nr. 14, 26. maaji 2010-imeersumi § 22, imm. 1 aamma § 40 naapertorlugit makku aalajangersarneqarput:

## Atuuffiit

**§ 1.** Nalunaarut qummoroortatinik, naalagaaffiup sinneraniit immikkut akuersissutitaqanngitsumik Kalaallit Nunaannut eqqunneqarsinnaasunik toqqortaqtarnermut atuutsinneqarpoq, tak. qummoroortaatit pillugit nalunaarut Kalaallit Nunaannut tunngasoq nr. 227, 6. juni 1968-imeersoq.

## Nassuiaatit

**§ 2.** Nalunaarummi matumani qummoroortaatit pineqartut kisimik tassaapput qummooroortaatit aliikkutaralugu atugassiat, CE-mik nalunaaqutsigaasut.

*Imm. 2.* Nalunaarummi matumani qummoroortaatit aliikkutaralugu atugassiatut pineqartut tassaapput qummoroortaatit aallartinneqarnerminni qaammaallattartut, nipiliortartut pujuliortartulluunniit, imaluunniit taakku kattullugit piginnaaneqartut, aammalu aliikkutassatut atorneqarnissaat siunertaralugu sanaajusut. Qummoroortaatit taakku I-itut aamma II-tut suussusiligaapput.

*Imm. 3.* Nalunaarummi matumani qummoroortaatit I-itut suussusilikkat pineqartut tassaapput qummoroortaatit killilimmik piginnaanillit, akissarsiutigalugu suliaqartunut atugassiatut sanaajunngitsut, aammalu atugassanik pisiniarfinniit tuniniarneqarsinnaasut. I-tut suussusilikkani pineqarput: Seqqortaatit (amorce), nusullugit seqqortaatit (amorcebånd), seqqortartut (knaldperler), imassat seqqortaatit (knaldpropper), seqqortaatit (knallerter), qaartittakkat nerriviup qaanut ilisakkat, nusullugit qaartittakkat nerriviup qaanut ilisakkat, seersartut aamma isfontænir.

*Imm. 4.* Nalunaarummi matumani qummoroortaatit II-itut suussusilikkat pineqartut tassaapput qummoroortaatit aliikkutaralugu atugassiat, akissarsiutigalugu suliaqartunut atugassiatut sanaajunngitsut, aammalu atugassanik pisiniarfinniit tuniniarneqarsinnaasut.

**§ 3.** Nalunaarummi matumani annertussusiliinerit NEM (Netto Eksplosivstof Mængde) kg-nngorlugit nalunaarsugaapput, tassani qummoroortaatip qaartuujasup akuinik allaaserinnittunik imaqarpoq.

§ 4. Nalunaarummi matumani tunitsivik pineqartoq tassaavoq nerriviusaq, nerrivik, ungaluusaq assigisaaluunniit, qummoroortatinik tuniniaaffiusoq tunniussuiffiusorlu.

*Imm. 2.* Nalunaarummi matumani containeri pineqartoq tassaavoq assartuinnermut containeri assigisaaluunniit sisaasoq, annerpaamik 20 fodinik angissusilik.

*Imm. 3.* Nalunaarummi matumani sumiiffinnut killiliussat pineqartut tassaapput sumiiffiit illoqarfiup imaluunniit nunaqarfiup killeqarfisa iluiniittut, aammalu kommunini pilersaarutini atuuttuni A-tut, B-tut, C-tut, D-tut imaluunniit E-tut suussusilerneqarsimasut.

#### *Toqqorta qarneq*

§ 5. Illuni inissiatut atorineqartuni inissiami ataatsimi qummoroortatit NEM annerpaamik 1 kg-t uninngatinneqarsinnaapput.

§ 6. Inini qummoroortatinik amerlasuunngorlugit tuniniaaffiusuni, tunitsivinnik aalajangersimasunik pilersugaasuni imaluunniit pilerneqarallarsimasuni annerpaamik 12,5 kg-t NEM uninngatinneqarsinnaapput.

§ 7. Inini ininut tunitsiviusunut tulliusuni, tak. imm. 2, qummoroortatit annerpaamik 25 kg-t NEM toqqortarineqarsinnaapput.

*Imm. 2.* Init aalajangersakkami matumani taaneqartut tunitsivimmiit avinngarusimassapput, ussissunik matoqassallutik.

*Imm. 3.* Imerpalasunik ikuallajasunik, F-gassinik inimiititsisoqaqqusaanngilaq imaluunniit ikkuallajasunik allanik inissiisoqaqqusaanani.

§ 8. Illumi, sumiiffimmut killiliussap A-p imaluunniit C-p iluani inissisimasumi qummoroortatit annerpaamik 37,5 kg-t NEM toqqortarineqarsinnaapput.

*Imm. 2.* Sumiiffimmut killiliussap A-p imaluunniit C-p iluani containerinik qummoroortatinik imalinnik inisseequsaanngilaq.

§ 9. Sumiiffimmut killiliussap B-p, D-p imaluunniit E-p iluani qummoroortatinik illuni imaluunniit containerini toqqortaartoqarsinnaavoq, taamaattorli tak. imm. 2 - 4, piumasaqaatit uku naammassineqarsimappata:

- 1) toqqortaartoqarsinut minnerpaamik 10 meterinik akuttussuseqassapput,
- 2) silami inissiat ikuallajasut minnerpaamik 15 meterinik ungasissuseqassapput, aamma
- 3) illut inissiatut atorineqartut minnerpaamik 40 meterinik ungasissuseqassapput.

*Imm. 2.* Containerinik arlalinnik inissiinnermi taakku assigiimmik sammivilerlugit matuile nalleqqatigiisillugit ilineqassapput.

*Imm. 3.* Containerit kinguleriisillugit inissinneqassanngillat.

*Imm. 4.* Sumiiffimmut killiliussap B-p, D-p aamma E-p iluani qummoroortatinik containerinut toqqorsinissaq pitinnagu, akuersissummik kommunalbestyrelsimut piniartoqassaaq.

**§ 10.** §§ 5-9-mik unioqqutitsinermut akiliisitsinertut ilusilimmik pineqaatissisoqarsinnaavoq.  
*Imm. 2.* Ingerlatseqatigiiffiit il.il. (pisinnaatitaallutillu pisussaatitaasut) pinerluttulerinermut inatsimmi kapitali 5-imi maleruagassat malillugit pinerluttulerinermut inatsisitigut akisussaatitsisoqarsinnaavoq.

*Atuutilernera*

**§ 11.** Nalunaarut ulloq nalunaarutip atuutilernerata nalunaarutigineqarnerata aqaguani atuutilerpoq  
*Imm. 2.* Peqatigisaanik qummoroortatinik toqqortaqaartarneq pillugu Namminersornerullutik Oqartussat nalunaarutaat nr. 19, 9. december 2004-meersoq atorunnaarsinneqarpoq.

*Namminersorlutik Oqartussat, ulloq 16. decembari 2022*

Kalistat Lund

Nunalerinermut, Imminut Pilersornermut, Nukissiutinut Avatangiisinullu Naalakkersuisoq

/ Natuk Lund Olsen

**Namminersorlutik Oqartussat**  
Imaneq 4  
3900 Nuuk  
E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut